

فائدة حديثة : طرق دفع التعارض بين دليلين غير نصيبين | للشيخ الحويني

أبو إسحاق الحويني

فنقول اهل العلم يقولون اذا تعارض دليلان او خرج كلام يعارض دليلا اما ان نأول الكلام تأويلا سائغا واما ان نرده يبقى عندنا حاجة اسمها الجمع وحاجة اسمها ايه؟ الترجيح - 00:00:00

جميل اوي طيب فقال له نعم مش دي موافقة هنسلم النقابة ان الوجه ده سليم وصحيح وهو احسن الوجوه كما قال ابن القيم وان يعرض عليه بنته الثانية ينفع النبي عليه الصلاة والسلام يقول نعم - 00:00:31

ما ينفعش يبقى لازم الراوي غلط والصاق الغلط بالراوي اولي انا بقول لك بقى ده اسمه ترجيح ولا جمع؟ اغلط الراوي ده اسمه ايه يا جماعة؟ انا عمال اناحي واهاتي والمحاضرة اللي فاتت كانت كلها في الاصول. ها؟ ده اسمه ترجيح. لان - 00:00:49

ايه معنى الجمع؟ الجمع ان تعمل الدليلين جميعا. ما ترميش واحد منهم خلاص الترجيح ترمي واحد وتأخذ الثاني خلاص كده طيب لما قال الراوي غلط ده خده ولا رماه رماه - 00:01:20

ها جميل اوي. ده يبقى اسمه ترجيح ولا جمع؟ ترجيح العلماء قالوا بقى احنا بنرتبها الجمع اولا فان عجزت عن الجمع فالترجيح. يبقى من يسبق من؟ الجمع ولا الترجيح؟ الجمع يسبق. طب ليه الجمع - 00:01:43

لا يسبق الترجيح قال لك لان الاصل في الدليلين الاعمال لا الاهمال الاصل ان تعمل الدليلين معا لا ان تهمل احدهم واعمال الدليلين اولي من اهمال احدهما حلوه كده؟ طيب احنا عايزين نجمع - 00:02:05

الترجيح ما فيش اسهل منه ده غلطان قافلين الباب. طب والجمع؟ قال لك يا اخي يبقى الكلام انما قوله صلى الله عليه وسلم نعم ينتزل على ما يوافق الشرع خلاص - 00:02:31

ينتزل على ما يوافق الشرع لانه لن يوافق على ما خالف الشرع. فدي حاجة المفروض تبقى مفهومة خلاص اديكم مسال عندنا في اصول الفقه حاجة اسمها دليل الخطاب او مفهوم المخالفة - 00:02:56

والكلام ده احنا شرحناه المرة اللي فاتت. قلنا الدليل له وجه وبطن خلاص كده؟ الوجه ده اسمه المنطوق والبطن ده اسمه المفهوم تمام كده المفهوم ده قسمين. زي المنطوق لو قسمين برضو. المنطوق منطوق صريح. منطوق غير صريح - 00:03:18

والمفهوم مفهوم وموافقة ومفهوم مخالفة. انا مش عايز غير مفهوم المخالفة تمام مفهوم المخالفة قال لك هو عكس المنطوق. او هو معنى اللفظ لا في محل النطق وضربنا المثل بايه - 00:03:48

في الغنم السائمة زكاة. فاكرين ولا وان جاءكم فاسق بنبا فتبينوا ان جاءكم فاسق ده المنطوق ولا المفهوم؟ ده المنطوق اللي هو الكلام اللي واضح. الاية جت علشان خبر الفاسق ولا خبر التقى؟ عشان - 00:04:14

زي الحكم خبر الفاسق. جميل اوي ده المنطوق. طب المفهوم؟ وان جاءكم تقى بنبا فلا لا تتبينوا. يبقى كلها يبقى عكس بعض ولا لا؟ يبقى اتقي عكس الايه؟ الفاسق وتبينوا عكسها ايه - 00:04:33

لا تتبينوا. جميل قوي. كثير من اهل العلم ذهبوا الى ان دليل الخطاب حجة الا في حالة من الحالات وهي انا هبسطها جدا بس ركزوا معي. لان ده الشرع بتاعنا جميل - 00:04:54

ومرتب ولما جاهل يدخل فيه برقبته كده تتقطع ده عامل زي السكاكين زي ما يكون ايه؟ سكاكين شغالة كده. تدخل برقبتك هتتقطع.

يدخل واحد عالم يعرف يفادي نفسه ها ان هذا الدين متين فاوغل فيه برفق - 00:05:18

تمام كده قال لك اذا خرج المفهوم مفهوم المخالفة مخرج الغالب. فلا يكون حجة يعني ايه مخرج الغالب قال لك في حالة غالبية في

البلد عرف في البلد. زي الجاهلية - 00:05:37

كان المرابي يفضل يمص في دم المحتاج لحد ما يخليه جلد على العضم وكان ده اسمه في الجاهلية الربا المركب الربا الايه؟ المركب

زلمات بعضها فوق بعض. دماء بعضها تتلو بعض - 00:06:02

يبقى عندنا رضا بسيط وليه بقى ايه مركب اللي كان موجود في الجاهلية الربا المركب واحد خد من واحد قرشين بعد قد ايه؟ قال له

بعد شهرين. جه بعد شهرين قال له ما جتنيش فلوس. يقول له ماشي. ازود لك المدة - 00:06:22

واضعف الايه؟ الربا كنت مديك ميت جنيه بمية وعشرة يبقى اديك مهلة تانية كمان بعشرة جنيه. يبقى ايه؟ يبقى مية جنيه بمية

وعشرين تمام؟ ويفضل المسكين مش عارف يسد الديون وعمال يسد في فوائد الديون - 00:06:42

والدين متركب عليه لحد ما يبقى الفائدة قد الدين ده اسمه الايه الربا المركب فقال الله عز وجل يا ايها الذين امنوا لا تأكلوا الربا

اضعافا مضاعفة ده اللي اسمه الربا الايه؟ جميل. الاية دي منطوقها تحريم الربا المركب - 00:07:00

مش كده؟ طيب مفهوم المخالفة ان تأكل الربا البسيط صح كده؟ يعني لا تأكلوا الربا اضعافا مضاعفة وكلوه ضعفا واحدا مش ده

مفهوم المخالفة؟ اه طب ده ينفع ليه لان عندنا اية حرمت قليل الربا وكثيره - 00:07:30

تمام كده والايات التي حرمت كثير الربا وقليله. داخله في باب المنطوق ولا المفهوم؟ المنطوق تمام كده لان الايات واضحة يا ايها

الذين امنوا اتقوا الله وذروا ما بقي من الربا - 00:07:59

ان كنتم مؤمنين يبقى ده منطوق ولا مفهوم؟ جميل يبقى الاية ديت المنطوق ده تعارض مع مفهوم الاية لا تأكلوا الربا اضعافا مضاعفة

ولا ما تعارضش قال العلماء اذا تعارض منطوق مع مفهوم حنقدم مين؟ المنطوق ليه - 00:08:21

لان دلالة المنطوق اقوى. لان اللفظ انما سيق لدلالة المنطوق وجاء المفهوم تبعا للكلام ده واضح؟ ها؟ طيب معلش يعني ايه؟ زاكروه

تاني خلاص كده؟ يبقى مفهوم المخالفة اذا لم يعارضه من طوقب حجة - 00:08:47

فان عارضه من فقد ايه؟ يبقى مفهوم المخالفة ملغى ده بقى قول العلماء اذا خرج مفهوم المخالفة مخرج الغالب لا يعمل به. لان الله

عز وجل انما نهاهم ان يأكلوا الربا على غالب ما كان يفعلوه القرشيون - 00:09:11

مش انه اباح الربا البسيط لأ وهذا كقوله تعالى ايضا ولا تكرهوا فتياتكم على البغاء ان اردن تحصنا طيب افترض انها لم ترد تحصنا.

مبسوطة بالعملية دي ها ولا ترى فيها غضاضة. افيجوز ان نكرهها على البغاء؟ ها؟ طيب. تعالوا نشوف الاية تاني - 00:09:36

منطوقها ومفهومها المخالف ولا تكرهوا فتياتكم على البغاء ان اردن تحصنا مفهوم المخالفة ايه فان لم يردن تحصنا فيجوز اكرههن

على البغاء مش كده؟ طيب. الكلام ده ينفع؟ ليه لان عندنا دليل مستقل بتحريم الزنا - 00:10:07

فاذا تعارض دليل منطوق نزل في حكم خاص كتحريم الزنا مع مفهوم جرى مجرى الغالب لان الزمان كان الواحد مسلا يقول للجارية

بتاعته انا معزور ازهي لفلان فاستبدعي بل كانوا يفعلون هذا مع زوجاتهم الحرائر - 00:10:37

مع زوجاتهم الحرائر شف الراجل يقول لها ايه انا شعري اكلة منيل بنيلة انا عايز آآ ولد شعره مسبب وعينيه خضر والكلام ده. جارنا

ده مسبب وعينيه خضراء رح اشتغلي معه - 00:11:03

ازهي فاستبدعي من فلان ييغون بذلك نجابة الولد شف الدايس اللي القردة عندهم نخوة احسن منهم واخذ بالك؟ ده حتى الكلاب

يعني انت عارف ساعات تلاقي كلبة ووراها عشميت كلب. خلاص - 00:11:14

واذا يعني بصبصت لواحد واصل البصبصة هي ان يحرك ذيله خلاص تحريك الذيل يقول لك ببببببب. عشان كده استعاروا الكلام ده

لايه؟ لبني ادم. يقول لك بيلعب بديله. بيلعب بديله يعني ببببببب. تمام - 00:11:37

فاذا بصبصت لكلب ما فيش كلب يعرف يقرب بعدما اختارتته. ابن الكلب ده ها؟ ده حتى الكلاب عندها نخوة اهو. لا دول ما كانش

عندهم نخوة حتى جاء الاسلام فرفع من همهم فكانوا فكان زمان بقى الواحد عنده ابا واتنين وتلاتة يروح ايه يأجرهم - 00:11:54

بتجيب له مش عارف كم درهم وده كم دينار ومش عارف ايه والكلام ده في الآخر يبقى راجل مالي كرشه بالايه؟ باموال البغاء يبقى ده كان عرفا جاريا هناك ام لا - [00:12:17](#)

كان عوفا جاريا فاذا خرج المفهوم مفهوم المخالفة يعني مخرج الغالب يبقى لا مفهوم له لانك ستجد له منطوقا معارضا مثله ايه كمان قوله صلى الله عليه وسلم لا تصوم امرأة زوجها شاهد الا باذنه غير رمضان - [00:12:27](#)

فالراجل موجود في البيت ليس مسافرا المرأة عايضة تصوم اتنين وخميس لازم تاخذ اذن من زوجه والا يرد عليها صومها شف بقى يعني طاعة الزوج في المعروف شف واصلة لدرجة ايه - [00:12:53](#)

مع ان الصيام تطوع محض عبادة محضة ليس فيها حظ نفس الصيام بالذات قال الله عز وجل في الحديث الالهي كل عمل ابن ادم له الا الصوم فانه لي وانا اجزي به. مع ان الصوم للانسان برضه. قال لك لان كل - [00:13:15](#)

حاجة تدخلها الرياء وحظ النفس الا الصيام. ممكن يجي المسجد يصلي عشان الناس ايه يشوفوه رايح جاي وفي الصف الاول وبتاع. وبعيط في الصلاة وبمسجد مش عايض يقوم خلاص فيقول لك والله الراجل ده وارع وتقي وشف علامة الصلاة في وشه عاملة ايه والكلام ده. ممكن. ودي الصلاة اللي هي يعني اعظم اركان الاسلام العملية. انما الصيام - [00:13:33](#)

يبقى لوحده والتلاجة شغالة والعصير موجود وحيموت من العطش ويفتح ويمسك العصير ويحطه على دماغه كده واخذ بالك ازاى ويقول له هيت لك ومش عارف يشرب طب ايه اللي منعك انك تشرب هو في حد معك - [00:13:53](#)

ها قال لك الصيام بالذات ليس فيه حظ نفس. عشان كده الله عز وجل ايه؟ فانه لي اي ان العبد في الصيام يحقق منزلة الاحسان. فان لم تكن تراه فانه يراك. ممكن يدخل الرياء وحظ النفس كل حاجة الا الايه؟ الصيام - [00:14:08](#)

اذا الصيام عبادة محضة ام لا؟ جميل. ومع انها عبادة محضة قدم حق الزوج عليه على حق الله فيه فقبل ما تصوم تقول له انا عايض اصوم نقول لها لا. خلاص - [00:14:25](#)

تمتثل ما تفتحلوش محضر. وتقول لك انت بتصد عن سبيل الله وانت مش عارف ايه الا تعلم كذا وكذا. لا سيما لو طالبة علم لسانها طول كده اهو خلاص فالنبي عليه الصلاة والسلام بيقول ايه؟ اذا كان الراجل حاضر - [00:14:41](#)

في البيت ليس مسافرا لا تصوم المرأة الا باذنه غير رمضان لان رمضان فرض عليها وعليه طيب هذا القيد في الحديث لا تصوم امرأة وزوجها شاهد يعني حاضر. القيد ده قال لك خرج مخرج الغالب - [00:14:57](#)

خلاص؟ لان كلمة لا تصوم امرأة وزوجها شاهد او حاضر. مفهوم المخالفة ايه؟ الله ينور. وتصوم وهو هو غائب صح ليه؟ لان المرأة ليه ليه بتستأذن الراجل؟ احتمال ان يكون الرجل في حاجة الى المرأة - [00:15:20](#)

فتصده بصيامها وحقه في اعفاف نفسه مقدم على الصيام خلاص كده لكن طب وهو غائب ما هي الثمرة؟ انها تفطر ولا تصوم ما فيش ثمر خلاص كده؟ يبقى القيد ده خرج ايه؟ خرج مخرج الغالب لان الرجل يحتاج الى المرأة - [00:15:39](#)

لكن لو قال لها الرجل كلاما يجري في مجرى المنطوق فقال لها انا مسافر اهو ولا تصومي يبقى تصوم ليه تعارض منطوق قوله مع مفهوم الحديث خلاص كده؟ ومثل هذا ايضا قوله صلى الله عليه وسلم اذا باتت المرأة هاجرة فراشا - [00:16:07](#)

زوجها لعنتها الملائكة حتى تصبح اذا باتت والبيات يكون ليلا ام نهارا؟ يكون ليلا. جميل اوي. الراجل شغال بالليل في اصنع في بتاع وجاب النهار فهاجرت المرأة فراش زوجها نهارا - [00:16:40](#)

تلحقها اللعنة ولا لا؟ ليه؟ اذا كان الحديد بيقول اذا باتت فانت بقى جبت الكلام ده منين قال لك لان هذا الفعل انما يكون داعيته بالليل خلاص كده علشان كده هذا مخرج الغالب - [00:17:03](#)

تمام الكلام؟ فلما خرج مخرج الغالب اهدر مفهومه اذا باتت المرأة هاجرة فراش زوجها. اعكس هات مفهوم المخالفة اذا اصبحت المرأة هاجرة فراش زوجها فقال لك علشان الكلام ده داعية الفعل تكون ليلا ام منبه على كده. مش معناها انه قال لك ان بالنهار اذا طلبها يبقى ايه؟ يبقى يجوز لها ان تمتنع - [00:17:29](#)

اهي دي قواعد العلماء حاطينها في قاعدة واحدة ولسه لها ضوابط كثيرة يعني مفهوم المخالفة ده مش نوع واحد ده انواع. الصفة

والاستثناء والنعت والكلام ومفهوم اللقب والاستثناء وكل واحدة من دي وراها حدوتة كبيرة - [00:17:59](#)

اصول الفقه ده حاجة كبيرة كده لما يكون بقى كل سطر عاملين نعمل له مجلدات. يأتي الجهلة الاغمار ويدخلوا في الشريعة كده بصددهم فاحنا بنقول اهو ادي واحد عمال ينكر الحديث ولا يعرف تأويله ولو ردوه الى الرسول والى اولي الامر لعلماه الذين يستنبطون - [00:18:20](#)

منه لكن هو فرحان بطوله. فرحان بشبابه. امسك قلما واسمه طالع في الجرايد ففكر نفسه ابو العريف. فعمال يتكلم براحتة بقى واغراه سكوت العلماء عنه وان الكفر الواضح الصالح بيطلع ولا حد بيقول للذي كتب انت فين - [00:18:43](#)
يبقى لو ان ولي الامر بجرة قلم وهو قاعد حاطط رجل على رجل وقاعد في التكييف وبيشرب الشاي والا يتكلم في العلم الا اهل العلم وموقع لكن هنفضل نناحي لحد امتي - [00:19:04](#)

يبقى ينبغي يا اخوانا ان احنا نعلم قدر الوالي العادل وكما قال الشافعي رحمه الله وهذا قول امام فاقه لو كانت لي دعوة مستجابة لادخرتها لامام المسلمين ده الواعظ الاول - [00:19:30](#)

نحجناهن فيه واعظان واعظ واقف على رأس الصراط وواعظ واقف فوق تمام طيب ليه فوق فوق يعني ايه؟ يعني فوق فوق السوريين يعني. مش احنا قلنا الصراط المستقيم سكة اهو - [00:19:54](#)
ادي سور وادي سور السور فيه ابواب وعلى كل باب سطور مرخاة قال لك وواعظ وداع فوق الصراط. هو مين دا بقى؟ قال لك واعظ الله في قلب كل مسلم - [00:20:20](#)

الضمير بقى اللي اللي ادعى الاول بيربيه ما هو الذي اورث الخشية واورث المراقبة هو الداعي الاول وهو القرآن وقال لك له فوق لانه حينئذ يصير من اهل البصر لما اكون فوق ببقى شايف الابواب - [00:20:40](#)

انا شايف اللي عايز يشد الستار غير لما ابقى تحت خلاص فقال لك الابواب دي حدود الله والستائر دي المناهي قال لك اوعى تزني الزنا ده الباب المفتوح. الستارة المشدودة على باب الزنا اللي هو ايه؟ ولا تقربوا الزنا - [00:21:00](#)
ولا يزنون خلاص كده؟ فواحد قام شاد الستارة يبقى عمل ايه في النهي؟ ضيعه ما بقي الا ان يدخل من الباب تمام؟ فاذا دخل من الباب يبقى عمل ايه - [00:21:25](#)

هتك حدود الله مش الابواب هي الحدود ها والسطور للنواهي فانه يقول له ويحك لا تلجها لا تفتحه فانك اذا فتحتة ولجته ده مين اللي بيقول ويحك؟ كتاب الله خلاص الوداع على رأس الصراط - [00:21:47](#)

يقوم يستجيب لهذه الدعوة القلب اللي هو الواعظ في ناس القرآن ما بيأسررش فيها لكن جبان اذا رأى بارقة السيف او العقوبة يكف ليس لوجه الله لكن خوفا من العقوبة - [00:22:12](#)

والعقوبة دي مين اللي ماسكها الوالي فاحنا امام رجلين رجل بيتقي الله محترم كتاب ربنا عز وجل هو اللي ممشيه ده ممتاز واحد ليس في وجهه قطرة ماء انين الحياء - [00:22:34](#)

ده ما ينفعش معه غير النبوت. نبوت الوالي بقى اللي هو عثمان ابن عفان قاله في في المقولة الجميلة قال ان الله لا يزع بالصل بالسلطان ما لا يزع بالقرآن - [00:22:53](#)

قل له يا اخي ربنا بيقول لك يا اخي يعني ولا تأكلوا الربا. يقول لك معلش ما فيهبوش حاجة. آآ لا لا تتركوا اموالكم تأكلها الزكاة تفضل تدفع من الزكاة والكلام دهوت وبعدين الربا فيها ايه؟ انا ده ما اسموش ربا - [00:23:07](#)

ده اسمه فك كربات المحتاجين ها فيسمونها بغير اسمها. او ان الربا ربنا حرمه بس هنعمل ايه؟ اه معلش سبنا من الحزقات دي ده كان زمان وبتاع انا عارف سكتي - [00:23:25](#)

خلاص ده واحد من اللي يادبه القرآن بيقول له ولا تأكلوا الربا وهو ماشي ماضي قدما النبي صلى الله عليه وسلم يقول لا تسافر امرأة تؤمن بالله واليوم الآخر الا مع ذي محرم. يقول لك معلش الدنيا امان والمسافات دلوقتي - [00:23:39](#)

الرابط والقطارات والسوارات والطائرات والبتاع ده والكلام والكلام ده كان زمان الله! يعني كان زمان كانوا قطع طرق وكانوا كلهم

زناة والكلام ده وانتهم اللي اعفة ها والدنيا امان ده بيغتصبوا في في وضح النهار - 00:24:00

لسة البنت آآ من كم سنة البنت اللي اغتصبوها في ميدان العتب وطلع مسئول كبير يقول لك هو الزين موجود في كل حنة حتى في امريكا الله! حتى في امريكا ده امريكا الاصل فيهم الزنا - 00:24:19

تقول لي مجهود كل حتى امريكا خازنة يبقى احنا ما عندناش واديك شايف اهو الاغتصابات والبتاع واللي موجودة في صفحات الحوادث لا بارك الله فيها ولا في القائمين عليها. الصفحات اللي بتغري الفسقة - 00:24:37

في عمل الجرائم وبتصور المجتمع كانه كرخانة كله بيقتل بعضه وكله بيزني في بعضه والكلام ده ولو حاجبوا هذه المصائب عن الناس لظن الفاسق ان المجتمع نضيف وكويس فيخشى ان يقتل على الجريمة - 00:24:52

فهم بقى ده النهاردة الزنا بالانترنت. وفيه حاجة اسمها الجماع بالتليفون كلام فظيع وفيما هو ابعد من ذلك واطر والمرأة بقى تسافر في هذا الجو المكفهر للشر ليس له سلطان في دول المسلمين الا ما - 00:25:08

شاء الله عز وجل النهاردة انا لما اسمع الكلام ادي عندي الداعي على رأس الصراط بيقول لي لا تفعل مين اللي ينفزها بقى الداعي الثاني اللي فوق اللي من اهل البصر لانه شايف من فوق. من اهل البصر. واعظ الله في قلب كل مسلم - 00:25:32

طيب. انا اذا رأيت الداعي الاول يدعو الى شيء او ينهى عن شيء فلم يمتثل العبد. يبقى العلة فين العلة في قلبه طيب لماذا لم يستعلي لانه اهمل الداعي الاول - 00:25:54

ولو انه عظم كتاب الله لظهر هذا على سمته وقلبه. يبقى ده داعي مع داعي. الاتنين مرتبطين ببعض واحد متلقي والثاني بيشحن اللي بيشحن كتاب الله يملأ القلب بالايمان والقلب هو المتلقي - 00:26:12

لابد ان احنا نعرف ان الداع الاول لا يقيمه الا الوالي والعالم. الداعي الثاني ده ثمرة الاستقامة على اوامر الداعي الاول وهو كلام الله عز وجل. اقول قولي هذا واستغفر الله لي ولكم. صلى الله وسلم وبارك على نبينا محمد. معلش - 00:26:33

انا يعني باستميح اخواني عذرا ان ما فيش حد ايه يتعرض لي ولا يسألني. الله يحفزكم جزاكم الله خير - 00:26:53